



Uunga:

Emanuel Nûko, Naleraq
Inatsisartunut ilaasorta

§ 37 naapertorlugu apeqqummut nr. 30/2022-mut akissut: Namminersulerneq

Inatsisartut suleriaasianni § 37, imm. 1 naapertorlugu apeqqut, Inatsisartunut ilaasortamit Emanuel Nûkomiit Naleqqameersumit apeqqutigineqartoq Naalakkersuisunit 25. januar 2022-mi tiguneqarpoq.

Akissutit apeqqutigineqartut kingornatungaanniipput.

21-04-2022
Suliap normua 2022 - 5354
All. nr. 19356217

Postboks 1015
3900 Nuuk
Oqarasuaat (+299) 34 50 00
Fax (+299) 32 50 02
e-mail: govsec@nanoq.gl
www.naalakkersuisut.gl
Naaja H Nathanielsen

Apeqqut 1: 2009 nunatta namminersulernerana qanoq isumaqarpa?

AKISSUT:

Kalaallit Nunaata 1979-imili namminersornerulernerata kingorna 2009-mi namminersulerpoq. Namminersulernikkut Kalaallit Nunaat nunami namminermi pingaartumik Danmarkimit suliassa qarfinnik tigusinikkut aalajangiinissamut periarfissaqarnerulerpoq. Suliassa qarfimmik tiguserup kingorna Kalaallit Nunaata suliassa qarfinni inatsisunik aalajangersaasassaaq aqutsillunilu. Suliassa qarfinnik tigusinikkut Kalaallit Nunaata suliassa qarfinnut atatillugu isertitat aningaasartuutillu akisussaaffigilissavai.

Apeqqut nr. 2: Nunatta namminersulernerani nunanut allanut suleqatigiinninnissamik isumaqatigiinninniarsinnaalernerneq periarfissaava?

AKISSUT:

Kalaallit Nunaata nunanik tamalaani suleqateqarnera Namminersorneq pillugu inatsimmi nunanut allanut suliassa qarfik kapitali 4-mi aalajangersarneqarpoq. Namminersorneq pillugu inatsimmi § 12-mi Naalakkersuisut innuttaasut pisinnaatitaaffii pillugit qaqugukkut namminneq isumaqatigiinninniarsinnaanersut aalajangersarneqarpoq, massa Namminersorneq pillugu inatsimmi § 13-imi Danmarkimi naalakkersuisut Kunngaqarfik sinnerlugu aamma nunatsinnut sunniuteqartumik qaqugukkut iliuuseqarsinnaanera aalajangersarneqartoq.

Isumaqatigiissutit nunani tamalaani suleqatigiiffinni innuttaasut pisinnaatitaaffiit tunnganngitsut killeqanngitsumik isumaqatigiissuteqarfigineqarsinnaapput. Assersuutigalugu Kalaallit Nunaata Inuit Circumpolar Conferencemi suleqatigiinnermi peqataanera kiisalu Canadami nunap immikkoortuinik isumaqatigiissutit.

Namminersorneq pillugu inatsimmi § 12 naapertorlugu Naalakkersuisut isumaqatigiinniniartarnerannik arlalinnik assersuutissaqarpoq. Ukioq 2021 eqqarsaatigalugu Islandilu ataatsimoortumik siunertanik nalunaaruteqarnerit erseqqissarneqarput, taanna taamanikkut Nunanut allanut Naalakkersuisuusumit

aamma Islandip Nunanut allanut ministerianit atsiorneqarpoq. Tamatuma saniatigut USAID-mik isumaqatigiissut eqqaaneqarsinnaavoq, taanna USA-mi naalakkersuisut sinnerlugit Naalakkersuisunit aamma USAID-mit isumaqatigiissutigineqarpoq, tamannalu illua´tungeriinnit innuttaasut pisinnaatitaaffii pillugit isumaqatigiissutitut nassuiarneqanngilaq.

Apeqqut 3: Namminersulerneq isumaqarpa nunanut allanut suleqatiginninniarsinnaaneq ammaanneqartoq, soorlu niueqatigiissinnaanissamut?

AKISSUT:

Niuernermit suliassaqarfik tiguneqarsimavoq tamatumalu kingunerisaanik Kalaallit Nunaat naalagaaffinnik allanik nunallu tamalaat akornanni soqutigisaqatigiiffinnik toqqaannartumik isumaqateqarsinnaavoq. Assersuutigalugu nunatta aamma Tuluit Nunaata akornanni januar 2022-mi akitsuutitaqanngitsumik niueqatigiinnissamik illua´tungeriilluni isumaqatiginninniarnert aallartinneqarput.

Kalaallit Nunaata inuussutissanik pingaartumillu aalisakkanik tunisassianik niueqateqarnera pissutigalugu inuussutissanut uumasunullu nakorsaqaqarnermut kiisalu imarsiornermut suliassaqarfiit attuumassuteqarnerat akitsuusersuinertaqanngitsumillu niueruteqarnissaq pillugu isumaqatigiissutinik isumaqatiginninniarnermi peqataatinneqartarnerat oqaatigineqassaaq. Suliassaqarfiit taakku Kalaallit Nunaannit suli tiguneqanngillat, tamatumalu kingunerisaanik suliassaqarfiit taakku pineqartillugit Kalaallit Nunaata niuerneq pillugu nunat marluk akornanni isumaqatiginninniarnerni Danmark peqataasassaaq.

Apeqqut 4: Nammineresulernermi danskit naalagaaffiat avaqqullugu nunarput nunanik allanik niueqateqarsinnaava?

AKISSUT:

Aap.

Apeqqut 5. Danskit naalagaaffiat avaqqullugu avataaniit aningaasaliisoqarsinnaava?

AKISSUT:

Apeqqutip eqqortumik akiumallugu ersarissarneqarnissaa kissaatigineqarpoq.

Inussiarnersumik inuulluaqqusillunga

Múte Bourup Egede (sign.)
Naalakkersuisut Siulittaasuat